



周元幹等死致制

李岵自尽制

决李少良等制

姜敬初自尽制

劉希暹自尽制

誅元載勅

劉晏自尽勅

誅劉闢勅

誅李錡并男師回勅

誅殺武元衡賊張晏等勅

誅戮上

劉洎自尽詔

詔曰小人在列為蠹則深巨猶當樞懷奸必大侍中檢校戶部尚書清苑縣開國男劉洎出自閭伍言行罕稱於國無涓滴之勞在朕匪扮榆之庸但以駁策稍久頗有吏能擢於凡瑣之間收其鳴吠之用超倫越次

以

使居常伯紆青襲紫攝職文昌莫有葵藿之情如慙雨露之澤朕行  
旅小幸和豫凡百在位忠孝纏心每一引見涕泗交集泊獨容顏自若密  
因他志今行御史進狀奏泊乃與人切議窺窬萬一謀執朝衡自處霍光  
之地窺弄兵甲擅恣伊尹之權猜忌大臣擬皆夷戮朕親加臨河初猶不  
承傍人執謹方始具伏此而可恕孰不可容又且皇太子某春秋鼎盛聲溢  
震方異漢昭之童幼非周成之襁褓輒生負圖之望是有無君之心論其此罪  
合從孥戮但以風經任遇不忍梟懸宜免其家累賜其自尽  
正現十九年十二月

楊慎矜自尽詔

左道乱常邦家所禁兇謀逆天地不容戶部侍郎兼御史中丞楊慎矜  
潛蓄回邪率由難險猥承門緒得齒朝行爰自卑謬加超擢寄之帑藏  
摠被均輸不知外矯清廉內懷貪冒越超百變以此徇身首鼠萬端專  
為同上觸途苛刻歸怨國家還俗僧史敬忠兇惡逆徒狂愚賤品乃望陳  
識締別覲異國密與交通將期委質仍自以亡國之後克復攸歸遂乃手  
記災祥窺覷時變肆惡悖心在不臣惡跡既彰款驗咸服戴天履地面目  
何施梟首夷宗未云塞責但以務弘軼志在寬刑尚免嚴誅容其自斃

有欵

有况

其楊慎矜宜賜自尽其兄少府少監慎餘洛陽令慎名等不合隨後並  
為同惡亦宜令自尽其史敬忠首建逆謀實為巨蠹宜決重杖一百鮮  
于貴詐稱敬忠當王附會凶人宜決重杖六十長其范滔妄說妖言與之  
既狎宜決六十長流領南臨江郡其王庭擢既為論傭作終不論告決四十  
配絳黔中郡楊慎矜外生前通事舍人辛景奏引致非類成此禍端宜  
決四十配流領南晉康郡其義陽郡司馬嗣虢王巨雖則不涉凶謀終與敬  
忠相識宜解却官於南賓郡安置其狀太府少卿張瑄素以妄庸專行險  
詖比綠慎矜薦引驟歷班榮因此交結潛為黨援况犯賊私情逾難恕宜  
決六十長流嶺南臨封郡其威衛執戟攝天馬監制監万俟承暉妄畜圖  
書與慎矜解說潛相黨附為蠹寔深宜決重杖六十其闲廐使殿中監衛  
衢忝膺重寄不存公道受慎矜囑請為承暉奏官詣贖愈彰比周斯  
在宜貶與遠官應配流及安置人等所在即差網馳驛領送其楊慎矜及  
兄弟并史敬忠有庄宅等宜並官收其家口男女等並令所司准法即配  
流嶺南諸郡其張瑄及万俟承暉鮮于貴等男女并一房家口亦准此配  
流其内外近親不可尚列班榮及居京數宜令三司使即括責聞且臣之

有况

事君有死無二疋夫徇義猶或亡軀豈有。六卿任兼三獨父子相續  
俱承重委兄弟不次皆列通班而更陰圖不軌潛覲異望靜此良可歎  
息除惡務本與衆共之令在惟行蓋非獲已中外僚庶咸使聞知

王鉷自盡誥

勅曰人臣無將有必誅之義王制所禁在難捨之刑銀青光祿大夫御史大  
夫兼京兆尹殿中監開府使隴右群牧監使及天下戶口色役和市和采  
坊作園苑長春宮裁接并京畿及關內採訪等使王鉷性本凶愎行惟艱  
險徒以早膺擢用累踐崇班持憲尹京任委重斯入閑六尚寵寄惟深殊不  
知外飾公忠干冒非據內懷姦詐苞藏不測任海川狂愚不遵妖惑無良而  
乃潛與通情仍希非望及覺彰露便令滅口常會聞此事跡話於私庭遽  
令追掩殞於縣獄邢宰久懷逆謀專構惡党其弟鐸始終結約常與交  
通託去弟識其寔由已今神明所經凶党伏辜縱刑且踈欲逃其罰然天  
地維廣何所容身宜賜自盡戶部郎中王鐸蓄積梟獍之心苞藏狂悖  
之計與逆人邢宰久託深交供其資糧同為凶惡自申款暱十載于茲  
所有逆謀咸共謀畫此而不罰其若法何猶寬殊死之典俾從杖刑之責宜

於朝堂集衆杖殺

李林甫除削官秩詔

為臣之道貳則有辟事君之致將即必誅故左僕射兼右相吏部尚書上柱  
國晉國公贈太尉廣陵大都督李林甫爰因宗室獎以班序逮履清貴  
尤特矯飾鄙誠患失狡迹多端朕待以勿疑任當殊重恩私踰分崇高至  
極秉據樞衡重二十載豈知外表廉慎內包兇險籌謀不軌覲非望朕此  
庸細譖害忠良悖德反經師心蘊慝福禍生於喜怒榮辱由其愛憎  
使縉紳箝口行路側目淫祀夜禱于神祇厭勝家崇於盡道遵養至  
寔繁有徒既畢禮讓後勒其命阿布期振降塞上委於綏緝敢行文  
結輸竭深夜裏嚴室焚香要之誓信指期撤警繼以叛離且肆犬羊之  
群侵軼我疆場方申犄角之契圖危我宗社可隱之狀所不忍言以親党  
薦引咸歸贖子息蕃多曾無教誨貪叨納賂依倚成姦閔墻屬聞敗官  
相次作偽滋久晚節頗彰舍垢在予猶示弘赦鬼得誅而溢盡惡布露而  
難容逮從訊鞠事皆昭著穢夷噍類曷足懲懲鞭斬屍棺未云責塞但以  
常經使任特寬恒典其在身所有官秩並追除削卑同凡庶許其殯掩男前

將作監岫率由下劣不承最驕恣越度過失弥深具配流嶺南。延德郡前  
 司儲郎中<sup>送</sup>等配流蒼梧郡前太常少卿<sup>送</sup>配流臨封郡仍並除名即網馳驛  
 領送自餘男有官者令所司即勘會亦除名各配流嶺南交黔中送惡郡  
 女在室并男未有官者取其情願任隨兄弟朕念其驅策尚懷仁恕既  
 貸生成之恩赦其殞嗣之罰仍每房各乞奴婢三兩人并與緣身衣服糧食  
 使其存濟自餘資產一切官收男孫有官者解却無官者勒隨又并家口並  
 續<sup>送</sup>流所至收捉擗勿許東西縱會恩赦不在量移之限其林甫男女妻  
 等有罪非妄住其子婦諫議大夫楊齊宣觀其不善尋有薄跡異同惡頗  
 申誠<sup>送</sup>并自餘至親應合累者續有處分噫堯謂達聰四凶在例周稱  
 盛德三監做擾知人之美誠愧格言明罰斯加非無累歎凡任咸自誠焉

處置受賊偽官陳希烈等詔

人臣之節有死無二為國之軀將而必誅况乎委質賊庭宴安逆命耽受寵  
 祿淹更歲月不顧思義助其効用此而可宥法將何施達奚珣等或受任  
 台輔位極人臣或累業姻朕戚里或歷踐臺閣或職通中外夫以犬馬微賤之  
 畜猶知恋主龜地蠢動之類皆能報恩豈日人臣曾無感激有覲面目事

於寇仇乱臣賊子何以過也自逆賊作難傾覆邦家凡在黎元皆含怨憤  
 殺身徇國者不可勝數此等點首猶壞國恩豈有列在崇班荷茲祿位不  
 思君親之分唯與凶逆同心受任於梟獍之間諮謀於豺虺之輩靜言思此  
 情何可矜朕志欲含弘法務寬貸然凶惡之類自招其咎人神所弃天地不容  
 原其本心皆合殊死就中情狀仍有區分達奚珣等一十八人並宜處斬陳希  
 烈等七人並賜自尽前大理卿張均特宜免死長流合浦郡

周元幹等死殺制

勅大逆不道拉夷族之誅同惡相濟當弃市之法以懲干紀武按彛章周  
 元幹賊名之子况慝成性與父階乱厥罪惟均即貴敢有苞藏恣其悖虐  
 怙侈滅義攘矯虔戮及無辜羅浮於師其周元權蔣羅漢尹元經毛密  
 彬李尚林等共肆醜圖且明反狀猶捨斧鑕俾金腰領其劉憲周壽崔勅  
 等同附姦邪俱行扇惑以情斯靈法當死沒並依前件朕自君臨万国  
 思措五刑不虞兇殘有此冒犯寘以明憲期於止殺凡百卿士知朕意焉

李岵自尽制

勅特衆專殺謂之乱常合族併命謂之不道按以春秋重其責師况自悖

人理實生厲階合從弃市之論尚就議親之減李岵幸以宗屬列於藩任故之不脩亂是用長輕侮法令勤搖軍州御史姚爽迎到所部其弟叅於佐理諸將素有猜嫌欲加之罪不可無狀遂言使者之來事在不測俾其完聚與甲變更將守潛疏其意以掩禍萌而詘親自點竄詐云爽之道隊以此疑衆因而合謀弟兄家党成盡淪骨而斃又陷教家勤兵抗威以拒所統人不堪命一方騷然頃發近臣審今按理醜圖既露姦狀甚固示有小懲以從遠斥詢于群議頗屈常典朕思以道德在宥天使一代之人登於仁壽之域風化猶薄政教不明致令長吏專此威暴無辜橫身首寃氣慘結有傷元和惕然憎懷深自咎責期於止殺不可措刑寬其斧鑕之誅降從盤水之禮宜賜自盡雖思不掩義道在無私而禮有緣情實亦多愧王者之法敢忘至公凡百卿士宜悉朕意

### 決李少良等制

勅李少良常頌等兇險悖戾反常逆理恣其譎說將禍構階離間君臣矯誣中外醜圖奸狀按驗皆明殿中侍御史陸璣辛清憲之職仍叅儒館之侍交無非類包藏不測豈有周行之列容此兇亦既同惡法當均罪並宜付京

兆府決痛杖一頓朕每以君子小人貞同心異必先覲行然後察言豈茲譖讒能迴聽斷夫招賢納諫君之軀也敵直盡規臣之節也常亦友席思理佇聞政道豈謂奸慝奈茲曩倫瀆判忠邪以正刑典凡百在位宜悉朕懷

### 姜敬初自盡制

勅不敬之大在於毀犯園陵自擅之重切於矯誣詔令有挾亂常之道必貽無赦之責姜敬初自以瑣劣得叅姻婭錄其先効擢在曲臺素無行能已速官謗朕永感霜露式瞻松栢以其職司俾往祇事輒於禁域擅鑿連崗當衣冠之出遊臨歲月之所建既有犯於神御又不利於王室知其不可固有所專一昨臨遣再三戒勅無君弃命兇蠹尤深書不云乎刑故无小况釋之抗陵土之議申屠致廟壖之誅處以殊死未去塞責不忘私眷持緩嚴刑宜賜自盡史忠烈王臣子等忝從所職敢有挾邪事既同科法當均罪亦宜賜自盡其家資並收沒其駙馬裴倣雖不知情合當緣坐宜削官爵拘於私第永清公主亦隨在宅仍絕朝叅使知警慎朕自君臨每思刑措豈圖戚里于我國章任匪其人有慙所鑒議法難恕撫懷增惕百辟卿士知朕意焉

劉希暹自盡制

勅合躰者君臣之分持二心者天地同殊構茲亂階當與衆弃開府儀同三司行太僕卿兼御史中丞充神策軍兵馬都虞候淄川郡王劉希暹幸以微謬榮秩典司禁戎作我心膂外雖承命內不盡忠泄漏朕言几危王事念嘗自任使翼以自新分委戎柄授之經略而子冒貨賄溪壑無狀恣以苛刻師人積怨輒懷顧望潛蓄異圖假談咎微上悖天理誘我忠良之士妄言禍亂之端惡狀已彰情在難恕賴勳賢叶力沮發姦克遂命公卿兼之法吏再三訊鞠情款昭然戮市尸朝未云塞責麓纒盤水尚許歸全特從寬典宜賜自尽朕臨馭万邦于茲几稔每以外攘夷狄未戢干戈常亦推食解衣躬撫將校義均休戚期保始終明神所知誠契無負禁網疎闊小過必遺豈虞姦臣有此干紀罪成惡稔以寘嚴科天下之法不可私也刑其無捨良用撫然文武廢僚宜悉朕意

誅元載勅

任賢去邪懸於帝典獎善懲惡急時政和陽之寄匪易其人中書侍郎同中書門下平章事元載性頗奸回跡非正直寵符踰分早踐鈞衡亮弼之功未能經邦成務挾邪之志恒以固上面欺陰託妖巫夜行解禱用行固非望庶違典章納受賂私貨鬻官秩凶妻忍害暴子侵蟬曾不隄防恣其凌害行僻詞矯心佞貌恭使沉抑之流無因自達賞罰差謬固不由茲頃以君臣之間重於去就冀其遷善掩而不言曾無悔非弥益凶戾年序滋遠置惡貫盈將肅正於朝猷俾伸明於憲網宜賜自尽朕涉道猶淺知人不明理績未彰遺闕斯衆致茲刑辟憫愧良深俛悅行之務申沮勸凡在中外宜悉朕意

劉宴賜自盡勅

亂常干紀罪莫大焉除惡去邪刑其無捨忠州刺史劉宴性本奸回志惟兇慝頃司邦賦歷踐朝倫割削為功毒痛叅庶按問贓賄不知紀極朕將崇政本必去憐人猶是含殍務全大躰俾從降黜尚列藩條黯亂之辜掩而不問旋乃結聚亡命擅興師徒固有悛心力行無度達于人聽惡跡彰聞爰命運率閱寔其罪而寬乘補卒遍於鄉閭執銳被堅出乎郊境拒捍朝貢威脅使臣人之無良一至於此孽由自作法所不容正其典刑以懲姦蠹宜賜自尽仍令度准差官勾當處置聞奏

誅劉闢勅

劉闢生於士族別蓄梟心馳劫蜀人拒捍王命其狂逆誑誤一川俾我黎元肝膽塗地賊將崔綱等同惡相扇至死不回咸宜伏辜以正刑典劉闢男超即豺狼醜類唯議生全務盡之刑固類凡人並宜處斬

誅李錡并男師回勅

李錡幸因宗屬早列方隅德宗藉有土之權委之以泉貨順宗重維城之寄授以旌旄恩深兩朝榮溢當代朕恭承實祚首命端僚君臣之分益親天地之恩偽詞三上懇請入朝推以至誠許其重任曾不知居不疑之地懷不測之端有梟鏡筮食之心恃牛羊項領之力久蓄土命敢有亂常謂干戈可得而興江山可得而恃悖言肆口逆狀滔天滅身之辜擢髮難救固有大典與衆棄之為人除害非朕敢捨致茲用辟終所愧懷李錡并男師回准法處斬其餘枝黨已從別勅處分

誅殺武元衡賊張宴等勅

勅張晏李惠嵩李寓嚴清受命孽臣害我良弼兇害之甚古今所無雖姦源不窮而天網難漏擒捕斯獲兵刃具存自相證明遂得情實

阿

宜從極法以快衆心并康少貴造端合謀不可異等宜處斬張公佐李少寧徐良李胡弟奴高志巡田再興楊日揮華李進胡抱直劉憲生奉詮及李惠嵩妻阿馬等並合從坐况同情宜付京兆府決痛杖一頓處死蘇表藏畜兵器衛曜軍謀朋遊悉無賴之徒取受多不軌之物屬當索爰得兇人京輦之下豈容此輩宜決公十配流費州其妻阿康奴綠耳等不識陰情雖書罪罰趙環等妻何樊何唐張晏女二初則不知終然同惡悉京兆府各決二十放其鎮州進奏趙環并官健及王承宗行官家人魏昇朝等一十八人並赴京兆府收管待後疏理處分侯倫李英雖言已歸本道歿於何處逃因刑待投獲日准例處分張晏趙環等七人如更有親族並合搜檢准今年八月勅處分其刃劍器械等並付所由准法處分

唐大詔令集卷第一百二十六

唐大詔令集卷第一百二十七

政事



誅戮下

誅吳元濟勅

處置李宥勅

誅王涯等勅

處置楊弁勅

劉從業剖棺暴尸勅

誅郭誼勅

誅張谷等告示中外勅

楊收自盡勅

嚴譔自盡勅

誅黔州刺史秦臣謀勅

處置蕭邁等勅

誅杜讓能宣示天下等詔

崔昭曾自盡勅

王搏自盡勅

柳璨自盡勅

誅戮下

誅吳元濟勅

勅吳元濟豺狼醜類敢悖天常不知覆露之恩輒肆猖狂之計拒捍成命焚劫隣封註誤我平人殘傷我赤子縣邑黎庶號呼屢間朕為人父母得不與愧亦嘗告諭曾靡悛心稔匿挺災日滋月所以命貔貅之旅致原野之謀雷霆所當巢穴及復獲此兇豎正其刑書與眾棄之斯為國典宜准法處斬其餘支黨從別勅處分

處置李宥勅

汴州逆賊李宥切據城池坐邀符節率其兇黨敢拒王命令既梟首於闕下宜令所司准式其男道源道樞道倫道安等叛逆之子固不可原理須正刑集眾處斬

誅王涯等勅

勅王涯等身為宰臣委任至重與其徒恣其兇惡潛構姦謀鄭注草菓卑末寵遇殊常而乃切發殿庭同為之扶豎邪險之狀古今所未聞賴

宗社之降靈重臣協力斯須鎮滅京師晏寧天下之人所同歡快謀惡之罪國有常刑其王涯賈餗舒元興王播郭行輿李孝本羅立言宜令左右神策軍差兵馬防援准舊例領赴郊廟及兩市令衆訖於獨柳樹下並令准法處分處置楊弁勅

勅楊弁起於卒伍獲在編俾方屬徂征敢為桀逆迫逐師旅潰聚叛徒朕姑務苟安未加顯戮捨其悖亂令赴行營遂駐南轅之盛已盜北門之管戰備符璽并而竊之咨石會之重關潛輸逆植釋賈群之縲紲俾遠去謀成榆社之義必召撲水之向惡蠱毒近發於懷袖蟻壞幾類於江河康政等被初邑之遺風習莘墟之有禮遽忘巨節仍助兇威撫弦登陣曾不興歔歔投石自取滅亡雖禁暴除殘國之大典然致其陷辟終用愧懷

### 劉從諫剖棺暴尸勅

勅前代張角王陵伏罪之後皆已身死並加追戮抑有舊章劉從諫疾困之時署劉稹兵權潛謀維龍衣雖先以削奪合正刑書宜令剖棺暴尸就潞州市号令三日仍便隨事埋瘞

會昌八年八月

### 誅郭誼等勅

勅理鬻解者不可以嬰芒刃圖草薶者必在乎絕本根故前代甲兵以正其刑鍾鼓以聲其罪爰用重典以清亂邦逆賊郭誼等狐鼠之妖依兵穴而自固牛羊之力得水草而逾兇久從叛臣皆負逆氣頃者劉從諫背德反義掩賊藏姦積其怙亂之母非親吏之計劃公直安全慶各憑地險屢抗王師每肆悖言罔懷革面吳寇將敗周尚務於陸梁隴坻向平王捷猶稱其乃死况郭誼王協開邢沼歸款懼義旅復巢賣孽童以畜全據堅城而請命擐甲以祈於無納要君以蓋其前愆天地神祇所難容捨昔伍被詰吏不免就誅延岑出降終亦夷族致之大辟無用愧懷郭誼王協劉公直安全慶李道德李佐堯劉武惠董可武等並置處斬其餘支黨並從別勅處分

### 誅張谷等告示中外勅

勅頃者劉從諫與李訓鄭注結刎頤之交濟其姦謀以旨不軌張皇兵勢脅制朝廷自擅一方外為三窟張谷陳陽庭等皆兇愚無行狡詐多端皆在京師人皆嫌惡自知險薄無所庇身投迹戎藩寄命從諫多壞然望得肆陰謀或妄設妖言成其逆志或為草表章飾以悖詞既無孝於君親曾不愧於天地自朕居聽方寓始務含容而怙亂益堅苞藏未息誘受土

命招聚旨志猶恃於金湯心不利於王室近又敢為狂計扶助薛童汙我忠義之軍叶其豺豕之黨天之所棄神得而誅逆賊劉稭弟植曹九滿即五娘君即四娘堂兄漢卿匡周堂弟會卿匡堯穗逆賊張谷并男涯解愁何六偃即孫男小告兄台男小曾門哥率即修文千駒陳庭揚并男巢即宜力男醜奴張公并男歡即三實門客甄伎術人鄭諗將黨逆賊李訓兄仲京郭行餘男台王涯姪孫羽韓約男茂章茂實王播男掘並就昭義象斬訖夫為善者天報以福為惡者天報以殃今疹氣既消逆節咸服方布和於四海息庶患於五兵宣示中外各令知委

### 楊叔賜自盡勅

勅驩州流人楊收謬承獎擢佞以台術志每措其貪叨迹頗彰於黷貨欺天罔上罪不可俾全生是為貸宜令內養郭全穆所在賜自盡咸通十年二月

### 嚴譔自盡勅

勅前鎮南軍節度使檢校工部尚書嚴譔素本瑣微志惟兇險廣用賄貨交結姦邪致楊收不預刑章恣為威福以珪林江西之重舉尔為名納陳珍奇寶之私切我良守所令按復不欲追窮頃聞海隅多難徵發為備

變寇未息供饋方繁或擅納衣糧或廣補成卒剋剝求取知無不為罔地欺天何嘗自愧而又因推使妄訴闕庭欲以資財用為排抑楊收既嘗極典嚴誅將令肅振朝綱貴免紊亂邦憲中外百庶當躡予懷宜所在賜自盡咸通十年

### 誅黔州刺史秦匡謀勅

勅黔南舊制兵數不少者蓋沿天嚴險地連昆夷外有滿夷內可固守以數百兵置於要害則千萬眾不能奔衝秦匡謀首守鎮四年會無少備但聞侵侵溪洞貪冒貨財人有離心兵多虛額致群蠻如風火而至使闔郡為煨燼之餘莫顧黎元往為酷毒自携金帛拋棄地池報奏之間謬妄非一况統戎失律負國深息天地不容人神共怒禍將覆滅惡乃貫盈雖賞棄市之誅未塞亂常之罪膏子鈇鉞顯示華夷欲使將來知我用法宜奪在身官爵委荆南節度使集眾處斬其家口田宅資財並籍沒仍令御史臺及諸道長吏檢責以聞其具親屬合當連坐者委御史臺及諸道搜獲具名聞奏如侍奏到指揮處分

### 處置蕭邁等勅

勅逆賊偽宰相蕭道鄭昌圖裴澈皆代荷國恩身極人爵或兩府鈞衡之  
任或驟分兵賦之權所宜罄竭丹誠祇膺茂寵而遽隳厥節輒肆逆謀  
挾扶疎屬之人遂成篡奪駭脅端良士之士大恣猖狂誑惑藩方馳書徼  
妄徵故事欲動人情並居偽廷同於相位事生之道何以為心賴遠近輸  
誠祖宗垂祐忠臣發憤妖孽就誅今則興復有期廟朝重正願惟涼惠益  
所統慙然則刑賞之科所以示天下而申懲勸也其於用捨朕不敢私撫事  
論辜難逃極典宜令所在集衆斬訖聞奏布告天下宜懍懷光啓三年三月

誅杜讓能宣示天下詔

夫賞有功而刑有罪獨國明規邪心去而任無私君人大節其有顯犯典憲  
謀危宗祧難貸大刑式謝四海崖州流人李周謹驩州流人段訥儋州流人  
西門重遠雷州司戶參軍杜讓能等結為姦黨請發禁軍假言防託山南心及  
攻伐近鎮傾危宗社詭構忠良苞藏禍心附會狂計昊穹降鑒宗廟炳靈  
大臣維有封章列藩瀝懇論奏朕親鞫問罪狀顯然須行憲章諒非  
獲已於戲朕以童眇嗣膺丕畀任用之間固無疑事而讓能一居台鼎八換  
星霜必謂能整忠誠不辜所仗殊不知乎操國柄身作亂階政以賄成化內財進

舉枉錯直愛憎繫於一時鬻爵賣官聚斂逾於巨万仍復奉倍息之刺  
恣兼并之心市肆貸財田歸私第隣伍店宅旋入所居政事決於胥吏縱  
奢華於婦女立某一家杖殺曾不奏聞湘外二年兵戈曾由敗易或以蓋滅  
或以狂誤交通朕以久務含弘未能決譴一旦彰露万口咨嗟重遠等三人  
始終同謀表震相濟納貨則更相問遺謀人即尽放往還至於煙塵四郊  
紛被九陌擁兵而固請巡幸差人而縱大宮中頃刻之間警蹕無禁綴流壘外  
未足為危四罪既誅中禁立定國法斯在朕何敢私尚慮道途傳聞遠近謬  
誤四海之內未委事端故降命書明示天下凡在臣庶宜躬朕懷景祐元年六月

崔昭緯自盡勅

勅朕猥以眇身恭臨大寶修前王之法度奉列聖之紀綱未嘗以喜怒之心  
行其賞罰唯務以誠信之道示于寰區有功有勞既不恪於爵祿真思負  
法寧可貸其誅夷是謂至公庶臻理道左降官崔昭緯頃居內署粗著  
微勞擢於侍從之司委以燮調之任而不能忠貞報國端慎處身潛交  
結於姦臣致漏洩於機事星霜累換臣輔蔑聞其罪一也而又決其私忿  
輒恣陰謀托崔鉞之嶮巖連行瑜之計策遂令引兵向闕怙衆脅君故

宰臣常昭度李璣並被無辜殺戮幾危宗社顯辱君親其罪二也及行瑜  
敗京國甫安而乃自悞欺誣別營託附及於藩閫潛請薦論不惟苟免  
罪愆兼亦再希任用貪榮冒祿僭濫無狀敗俗傷風賢愚共鄙其罪三  
也又將厚賂欲結諸王輕侮我之憲章玷瀆朕之骨肉貨財之數文字具  
存賴諸王作朕腹心嫉其僭切將昭緯情款兼其親吏親姓名真其奏  
名拒其求託昭緯曾居宰輔備歷清宗但欲逞其回邪都不顧其事跡觀  
其誠見實駭德聞其罪四也自姦邪既露情狀難容尚示寬恩未行極  
典投于荒裔異其自親不能退省罪尤恭承制命速赴貶所用守常  
規而敗猶務宴安尋聞所在留駐攪擾藩閫侮慢朝章曾無尊畏之  
心可驗包藏之計罔知僭咎誹謗朝廷其罪五也朕以恩澤者帝王之雨露  
刑法者邦國之雷霆無則方方不肅朕今躬天道以化育遵王度以澄清  
罪既昭彰理難含垢凡百多士宜  
自及中書門下准此處分

乾寧三年五月

### 王搏自盡勅

王搏材類蕭葦器劣瓶甕秉鈞無效於時情畜志常多於姦計結明

堅黨蠹物害公包聚貨財肥濃私室縮領官職贍濟一門雖行降黜  
之寬恩未塞衆心之忿怒須歸極典方正朝章宜令內養似先知贊於其  
所在賜以自盡

光化三年六月

### 柳璨自盡勅

密州司戶柳璨交通悖逆脅負明恩每念禍於偷安欲危人而自固罔知  
畏憚唯肆姦惡既兇以貫盈實朝野而共怒况復聚貪爵秩恣逞威權  
據其狡猾之端須降誅鋤之命宜際名配崖州充長流百姓委御史臺差  
人所在賜自盡

天祐二年十二月

唐大詔令集卷第一百二十七  
唐大詔令集卷第一百二十八

蕃羨

綏附

鎮撫夷狄詔

令蕃客國子監觀禮教詔

賜入朝新降蕃首詔

放諸蕃質子各還本國勅

遣朱仙客往關內諸州安輯六州胡勅

放不從亂吐蕃使四人歸國勅

放吐蕃使歸國勅

命官

遣邏祿葉護開府儀同三司制

回紇葉護司空封忠義王制

温沒斯懷化郡王制

温沒斯歸義軍使制

封立

薛延陀真珠毗伽可汗詔

突厥李思摩為可汗制

封突厥夫人李氏孫氏等制

點戛斯為可汗制

議立回鶻可汗制

遣使冊回鶻可汗制

綏撫

鎮撫夷狄詔

畫野分疆山川限其內外遐荒絕域刑政殊於函夏是以昔王御世懷柔遠人義在羈縻無取臣屬渠搜即叙表夏后之成功越裳重譯美周邦之長筭有隨李世黷武耀兵万乘疲於河源三年伐於遼外構怨連禍力屈貸殫朕祗膺寶圖撫臨四極悅近來遠追革前弊要方蕃服宜與和親其吐蕃渾已修職貢高句麗遠送誠款契丹靺鞨咸求內附因而鎮撫允合機宜分命行人就申好睦靜亂息民於是乎在因布告天下明知朕意  
武德二年二月

令蕃客國子監觀禮教勅

勅夫國學者立教之本故觀文子可以知道觀文可以成化庠序爰作皆粉澤於仁靈車書是同乃範圍於天下自我夷納款日夕歸朝慕我華風敦

先儒禮由是執於干羽常不討而來賓事於俎豆庶既知而往學彼蓬麻之自在桑椹之懷音則仁豈遠哉習相近也自今已后蕃客入朝並引向國子監令觀禮教

開元二年二月二十二日

### 賜入朝新降蕃酋勅

勅關內河東河西入朝新降蕃酋等日嘉爾蕃酋慕我朝化相率歸附載變炎涼而忠懇不渝誠勤則勵深宜輯乃戎落捍彼方隅使烽火無驚障塞咸謐則厚賞崇班當取富朕加此因貸爾寔安堵猶衣服未充火患且未恤永言於此良用憮然其入春不入朝都督衛官并箭頭將軍在藩者已令王峻張說楊敬述等取軍中庫物各量以賜爾等衣副部落中有疾苦便量給藥物无令困廢業舍養失所迎相勉諭以悉朕

意開元八年三月

### 放諸蕃質子各還本國勅

勅我國家統一寰宇歷年滋多九夷同文四陳來暨夫其龍衣冠帶奉正朔顯々然向風而慕化烈於天朝編於屬國者蓋亦衆矣我則順之以時兩照之以春陽淳惠以柔之中孚以信之玄風既同祥物茲遂莫不自天壤窮海

域蹶角以請吏執勢而來庭皇唐之惠於此為盛今外蕃侍子久在京師雖威惠之急自遠畢歸而羈旅之意重遷斯在且命所司勘會諸蕃充質宿衛子弟等量放還因契丹及奚近通質子並即停追前令還蕃首領等幽州且住交替者即放去朕欲鳥獸咸若華夷共安來則納其朝謁之心去則隨其生育之意含弘之施惠莫厚焉

### 遣牛仙客往關內諸州安輯六州胡勅

勅古之降虜皆置邊郡將遂畜牧之性以示柔懷之惠河典之北先有六州群胡編烈積有年序往緣康待賓等輒構兇黨自取誅夷誰誤蕃落損汙良善因茲多隸令其失業永言戀本寧不懷歸朕每及念昆虫猶慮失所况於此輩豈忘安輯如聞已有逃在關內諸州及先招携在靈慶州界者宜委並侍中牛仙客於益夏等州界內選土地良沃之處都置一州兼量戶多少置縣其有先所隸州未來者亦教歸各令據簿籍勘會勿容虛假處置訖聞奏

### 放不從亂吐蕃四人歸國勅

劉闢招誘外蕃用資叛亂而西蕃願盟竟無助逆維使在其間而義無所

失其吐蕃並分敬則送付本界以其寒泛涉遠各給衣物糧食發遣 元和年

### 放吐蕃使歸國

朕臨御万邦推布誠信而戎納款積有歲時中或虧遣亦常包貸我有殊  
惠寧不是思重譯貢珍道途相繼申恩示禮曾無闕焉昨者蕃使奉章  
人至京輦將君長之命陳和好之誠臨軒召見館餼加厚復以信幣諭之  
簡書亦既言旋才及郊甸遽聞蟻聚來犯封陞河曲之間頗為暴擾皆  
惠弃約期謂無名公議物情咸請誅絕朕深惟惠化之未被豈慮夷俗  
之不賓其國失信其使何罪釋其維繫以示性之弘覆以志懷予裏苟字  
庶使知感其使論短立藏等并後般來使並宜放歸本國仍委鳳翔節度  
使以此意曉諭

### 命官

葛邏祿葉護開府儀同三司制

葛邏祿葉護特進頓毗特稟英姿擅雄荒服威信取衆知略超群救弘又  
以立節竭至誠而向順逆虜布思丘山積疊天地匪容未就誅夷仍茲  
遂能率引弓之旅佐轉戰之師生縛兇渠咸類雖不長元惡願神理之必

誅而與我同仇乃忠勇之斯美疇其茂績寵以殊榮可開府儀同三司金山  
王依舊充葉護祿俸於北庭給其葉護妻及母並封為國夫人 天寶十二年九月

### 回紇葉護司空封忠義王

功濟難志存邦國万里絕域一惠同心求之古今所未聞也迴紇葉護特稟  
英姿挺生奇略言必忠信行表溫良才為万人之敵位列諸蕃之長屬凶醜  
乱常中原未靜以可汗有兄弟之約與國家典父子之君奮其智謀討彼  
凶逆一鼓作氣百万摧鋒三旬之間兩軍克定力拔山岳精冠風雲蒙犯曾  
下辭其勞急難無以喻其分固可懸之日月傳諸子孫豈可裂土之封誓河  
之賞夫位之崇者司空第一名之大者封王最高可司封仍封忠義王每歲  
送絹二疋万至朔方軍宜差使受領 至德六年十一月

### 盟沒斯懷化郡王制

昔秋嘗獻籌歸忠於大國日遠避禍款於明廷宣帝嘉其一心寵之優礼或  
存故王之印紱或賜歸惠之美名爰舉舊章式崇新命回紇盟沒斯特個  
儻慕又沉雄有謀馭駉之生勢超千里鷲鳥之繫氣屬九秋屢獻款誠布  
于邊將尋執反虜不遺君親載其餒殍之徒曾靡秋毫之犯旋觀所



履大節甚明朕共回紇代結親姻久敷隣好念其狂亂義在固存莫其撫其  
酋豪顯其大順使諸蕃知我招撫之禮更逾往昔之恩仍加帶礪之封俾受  
瓜牙之寄服茲休寵可不敬哉可特進左金吾衛大將軍負外置同正負仍  
封懷化郡王會昌二年五月

盟沒斯歸義軍使制

回鶻代雄絕漠名振北蕃而乃暨金華之強慕朝廷之儀願龍衣冠帶思覩  
漢儀蟬蛻自致於潔清豹變獨蔚其文彩不有髦傑熟啓壯圖盟斯稟  
氣陰崧精斗極生知忠孝神付兵鈴自強之心隱如敵國銳上之器森若戈  
予果能因亂布誠觀機立節深叶懷柔之志不因告諭之畔昔者敢士殊隣  
秦能致霸得賢異晉實用材是宜優以寵光處之權貴納褒納忠之顯  
効錫婦美之美君名俾建旆於新軍示絕席於諸將勉修臣節服我官  
常可檢校工部尚書兼左金吾衛大將軍同正充又歸軍使懷化郡王會昌二年六月

封立

障延陀真珠毗伽可汗詔

天地之惠平分於四時皇王之道允偏於万国故能亭育於廣覆盡區夏声

教咸洎於遠方爵命不遺於殊俗障延陀真珠毗伽可汗器宇沉毅識具  
允明夙時見機早稟正朔忠誠峻節克著於塞外貢獻琛蓋不絕於王府如  
以訓勗子嗣輯寧種落俱率藩職咸慕朝風其子沙耽弥葉護拔酌達  
度莫賀咄設頡利苾並志懷敦確氣幹強果或志竭忠款乃心闕庭或遠  
經朝覲拜首軒陛言念丹誠良以佳尚宜錫徽號用申褒寵拔酌可肆葉  
護可汗仍賜狼頭纛四鼓四頡利苾可汗達度莫賀咄葉護賜狼頭纛二  
鼓二仍令左領將軍梁万師持節備冊命正觀十二年九月下

突厥李思摩為可汗制

臨

天地大惠覆載極於八荒日月貞明明照周於万物是以哲王撫運聖人垂

法經邦立政之道取則於万化興亡繼絕之義靡格於華夷惟彼北戎代居  
荒塞養蓄牧於天山之外擅勇敢於瀚海之濱逮其末葉狂愚嗣位侵  
盜之豐禍結於諸華苛暴之風毒被於大漠酋豪携貳眾離阻革面  
者相望於道路請命者填委於闕庭朕情切納隍志存懷遠乃命上將極其將  
溺元戎才動倒戈相繼而屠者歸命單于反接分地之長解辮而來王引弓之  
民尽落而内附龍城既殄狼塞遂空朕恣其破亡怒其瑕豐解縛焚櫬賜

以再生收電回霜宥以寬政於是選內外之職分珪組以授之擇肥饒之地設州縣以處之開倉府以卹其飢寒馳輶軒以問其疾苦思俾中夏禮均舊臣十載之于茲矣受命三靈恩百姓爰初薄伐非貪闢土之功洎於克定實弘安民之道久存其亡國及其遺萌尚恐瘡痍未瘳衣食不足今歲已積年穀屢登種衆增多畜牧蕃息繒絮無乏咸弁其旣喪菽粟有餘靡資於獫狁便其復其舊庭繼其緒歸三祠於沮澤旋十角於廬山使復命端林弥其依風之思重宴安水遂其商日之歡然而左方既建右地以設必俟其長令自非擊殺貴種醯落忠誠何以宣布朝化輯寧蕃服右武侯大將軍化州都督懷化郡王李思摩器懷沉毅識用詳明早慕皇風風丹款啟寵以賜姓榮以高爵內典循徽之重外受連率之任誓光朝職簡朕心宜錫以藩号紹其宗祀可乙弥泥熟俟利苾可汗并賜之鼓纛仍令就其部備禮冊命突厥及胡諸州安署者並令渡河還其舊部俾夫世作藩屏同之帶礪長保邊塞傳諸後昆正觀十三年七月

封突厥可汗夫人呂氏孫氏制

門下突厥可汗夫人呂氏孫氏等毳幕來賓錦車將命畢于侍子榮已列

於漢庭關氏貴人寵宜加於蠻邸呂氏可封瀚海夫人孫氏可封納款夫人主者施行先天三年八月三日

黠戛斯為可汗制

勅我國家光宅四海君臨八荒声教所覃冊命咸被况乎族稱宗姓地接封疆爰申建立之恩用廣懷來之道有加常典得不敬之黠戛斯國王窮陰之鄉稟玄朔之氣少卿之后胄裔且異於蕃蕞大漢之中英傑自雄於種落日者居于絕徼隔以強隣生馳向化之心莫通事大之軀旋能奮其武勇清彼朔陸万里歸誠重譯而至時既富於死外又在於固存是用特降徽章載明深懇加其美號錫以丹書貽厥后昆遂荒有北舉茲盛典彰示遠戎服寵光永孚思化可冊為宗英雄武明誠可汗命右散騎常侍兼御史中丞李拭持節充冊立使仍令有司擇日備禮冊命會昌五年五月

議立回鶻可汗詔

朕聞王者立惠必本於念功天下歸仁莫先於興滅回鶻久為異國嘗建氏勳累申式配之儀兼展稱藩之禮天保未興兵之後國步未夷被克妖率其忠勇控弦而至革車之會增威止戈而歸犀毗之賜甚寵殊庸誠禮煥烈謙

細是為親隣成其邊衛故牧馬遠迹於朔野烽火罷照於甘泉雖云華夷  
歡若親戚會昌中虜廷喪亂可汗倫亡狼顧既困於歲收鼠切或行於邊  
候時屬姦臣作軸懦將操戈因樂禍以乘危遂與戎而生事不念救災之又  
盡為助順之功驅彼流離窘為徒隸情懷土自北南寇之悲跡則亂華未免  
北風之思舊國空瞻其茂草名王猶困於族人想彼窮危寧死慷慨朕君  
臨万有子育兆人雨露之所霑濡日月之所照燭欲令自遂必念好還乃眷  
朔易之雄况當勳力之後每思報德實用究懷所以頻遣詔書俾勤尋  
訪穹廬莫都既脫已平万騎豈无其忠臣六角莫存其貴種頗勞寤寐屢  
閱歲時沙漠既空并送猶在近有回鶻來疑朔方師臣得之送至闕下又  
有回鶻隨點戛斯李兼至朝廷各令象骨徵其要領音塵可訪詞  
旨必同願復本邦仍懷化育皆去厖今為可汗尚寓安西眾悅所附颺寧  
相以忠事上誓復龍庭雜虜等以又向風頗聞鹿召至契素願慰悅身  
多俟其歸還衙帳當議特舉冊命今且遣使臣且往慰諭况情深根撫道  
既切於還來而功濟難報豈義忘於繼絕至如待呼韓以殊礼約冒頓以和親  
止於嘉其來朝亦或慮其為患今則因此離散追彼功勳立國於狼居稍

聚人於鳥合再尋舊好宜舉良畜報告天下咸知朕意

大中十  
年二月

遣使冊回鶻可汗詔

夫興滅絕繼有國之懿圖推亡固存先王之令典在春秋時齊列國之諸侯  
也秦穆尚存於晉嗣齊桓猶繼於莒土况我國家超邁皇王并包宇宙昔者  
回鶻可汗在武惠之初始畢効力於大宋在天寶時葉護有功於京洛乾元至  
德之際典子儀叶心大破西虜自余以降為舅甥歲歲有通和情无詭詐會  
昌中其國寔遇天災莫能地着尽皆散徙遂至滅亡朕自纂承丕圖常多  
軫惻爰命使者將遠撫之訊厥存亡俾求嗣立輶車才至於靈武蕃使已及  
於塞垣迨至闕庭深陳血懇稱可汗已立諸部賓婦賓資神祇之衛  
乃薄忠勳之力能果克紹叶纂舊圖頗協人願深契朕志尚恐未為諸  
蕃所信猶疑新造之邦是用特命使用遵行冊禮於戲布惠茂功柔遠  
祇迎前代之所以稱理也使若教民之無后何以勸善須布中外咸使聞知  
表朕志懷不問夷夏可冊為盟祿登里羅汨沒密於合俱錄毗伽懷建可汗  
命檢校秘書監兼御史中丞王端章特節冊使仍令所司擇日備禮

策命

大中十年  
十一月

唐大詔令集卷第一百二十九

蕃夷

冊文

冊突厥李思摩為可汗文

冊疎勒國王文

冊莫賀咄吐屯為順義王文

冊突厥苾伽骨吐祿為可汗文

冊骨吐祿三姓毗方伽頡利發文

冊突騎施黑姓可汗文

冊迴紇為英武威遠可汗文

冊新羅王金軋運文

冊新羅王大妃文

冊新回鶻可汗文

冊回鶻可汗加号文

冊回鶻彰信可汗文

大中十年冊回鶻可汗文

盟文

扶餘與新羅盟文

與吐蕃會清水盟文

賑卹

遣使賑卹撫回鶻制

捨雪

原吐谷渾制

宥吐谷渾詔

洗雪平夏党項德音

冊文

冊突厥李思摩為可汗文

於呼突厥部眾代居沙漠元戎統舉龍城克定三部種類十角箇渠咸

襲冠帶俱為臣妾朕光宅六合亭育萬品爰降大造存其七國既復故庭  
乃樹君長惟命右武侯大將軍化州都督懷化郡王李思摩器量明遠識  
用宏通地稱貴種望高賜姓忠孝之節簡於朕心明智之材重於藩落  
朕是用命爾為乙弥泥孰俟利苾可汗傳之子孫為唐藩屏上鑒自古  
下觀近代守誠節者咸保其國人為凶惡者必及於覆敗往欽哉余其鑒  
茲往事祇服朕言奉國以丹赤為先御下以信義為本勉正尔身勤卹尔  
眾無昵邪佞無遠忠良無自驕奢無貪暴兢兢業業以綏尔疆土可不慎  
欽

正觀十三  
年七月

冊踈勒國王文

維開元十年年歲次戊辰正月戊戌朔十四日辛亥帝若曰万邦述職無隔  
草夷五等疏封式固藩屏咨尔踈勒阿摩支知王事左武衛將軍負外  
置裴安定誕靈蒲海稟秀葱山蘊義以立名蹈仁而成德雖日月所照莫  
非王土而烽燧時驚猶曰虜庭遂能扞彼邊陲歸我聲教載闡疇庸之  
義俾弘利建之風今遣大理正攝鴻臚少卿高夢松册尔為踈勒王於戲允  
迪由庚勿替敬典綏厥戎落永為漢藩往欽哉

冊莫賀咄咄為順義王文

維開元二十八年歲次庚辰三月丁亥朔二十日戊申皇帝若曰於戲茂秩  
攸升疏封有命寵榮斯及必在英賢咨尔石國王莫賀咄咄七代襲誠節  
器標果斷盡忠淳化作捍藩垂頃以蘇祿殘妖尚為邊梗乃能目其隣國  
授以良圖候彼疆場相為表裏致令克清邊徼遠輯殊方實賴心膂  
載宣勳力靜言褒異非尔而誰是用册尔為順義王尔其敬慎王猷撫  
寧部眾永保藩輔可不慎欽

冊突厥苾伽骨吐祿為可汗文

維開元二十八年歲次庚辰三月丁亥朔二十日壬子皇帝若曰於戲乃瞻陰  
方代有君長至於膺我盛禮榮彼殊隣必擇其人諒無虛授咨尔突厥苾  
伽骨吐祿可汗氣稟崆峒材雄朔漠見事無惑執心不渝以先代已未結  
好中國自續承舊業克維前修遠遣使臣來朝闕下義之所感情實  
嘉焉不有褒稱孰彰忠順是用册尔為可汗今遣從弟左金吾衛將  
軍質持節禮册往欽哉可汗其丕承徽章益勵名節永保多福以昭後  
昆可不慎欽

冊骨咄祿三姓毗方伽頡利發文

維天寶十二載歲次癸巳九月己亥朔六日甲辰皇帝若曰咨尔骨咄祿伊  
雜如三姓毗方伽頡利發夫崇德報功帝王之事講信脩睦人臣之禮卿久  
佐蕃部備更戎落知薦居不可以早實朝化蕃猶俗不能自理遠杖皇  
威深居悟變之通克知成敗豈唯疑塞之懇常有扞邊之心言志披誠有  
增嘉歎今授卿左羽林軍大將軍負外置同正負兼賜冊書鐵券永執  
蕃禮無替華風克終令名常保祿位可不慎欽

冊突騎施黑姓可汗文

維天寶十二年歲次癸巳九月己亥朔六日甲辰皇帝若曰咨尔骨咄祿毗伽  
突騎施黑姓可汗特進登里伊羅密施立國推信表賢在忠既効信以推  
誠亦旌忠而懋賞卿才略備舉知勇兼資強足抗敵威能率下故得甲  
兵孚訓族類懷仁既嚮順以移風亦事大而知禮是用載知茂秩式崇錫  
命今授卿特進為突騎施可汗卿敬勉良圖光昭盛典保我疆場惡我寇  
讎俾業固山河福綏種落永祚恩寵可不慎欽

冊迴紇為英武威遠可汗文

賈至

維至德二年歲次丁酉土月某日皇帝若曰夫定禍乱者曰武建功武者曰  
義惟武與義是謂明德迴紇可汗生而英姿邁越前古代濟威赫主  
祀北天與唐唇齒奕葉姻好安祿山竊弄邊兵暴乱亞夏誘脅戎卒  
毒蠱黎人而可汗感激義動天地爰命葉護統率銳師叶贊官軍驅除  
兇逆或猗其彛或角其首二旬之內雍洛掃清振古已來義莫斯大服是  
或式遵典禮封崇徽號敬冊可汗為英武威遠可汗每載賞絹五萬  
疋於戲陰陽和而天地泰四時和而萬物阜北土木靖有唐封而固之中原  
多漢可汗義而 之惠好和洽與日月永子孫百代克享鴻休欽哉  
其無替朕命

冊新羅王金乾運文

常袞

維大曆三年歲次戊申正月朔二十八日皇帝遣其官某乙持節冊命曰於  
戲建万國者不獨於中夏嗣一姓者必求於令德咨爾新羅王金英憲男  
乾曜爰自祖宗撫有東表克生明懿載茂勳伐采章文物久治華風忠  
敬孝恭率由純性用蕃君子之國能執外臣之禮夫繼代之重擇賢而授  
是用建尔家社祚于青丘敬其所守纂其舊服忠以奉上惠以撫下永修

東藩之職無替先君之命肅膺典禮可不慎欵

冊新羅王太妃文

維大曆三年歲在戊申十月景子朔十日皇帝使某官某乙持節冊命於戲于承家嗣作藩輔之臣母加尊稱蓋秋春之義咨爾新羅王金乾運母素推勳族雅有華風其德可尚其儀可則鑒於圖史式是禮容儷東方君子之國處中壺貴人之位事上以敬接下以仁睦我親隣亦資內助有教子之明訓膺維代之新命固可以崇峻徽章光昭盛德禮是用冊田新羅太妃修乃慈範撫其嗣名君永懷前人無改其道欵承典冊可不慎欵

冊新回鶻可汗文

白居易

維長慶元年歲次辛丑四月景寅朔二十日景戌皇帝若曰唐有天下垂二百載列聖垂拱八荒即叙舟車之所及日月之所照威綏仁董罔不嚮化惟此之氣積厚而靈々發象生生象豪傑義信武烈代為名王南西東方亦有君長較雄圖闢智英之與京國朝已來寢清風澤或効功伐或申婚媾同和協比以訖于今今朕不德衽嗣大統推義布信以初為常矧乎柔遠中息睦隣展禮茲惟舊典垂自祖宗虔奉恭行安敢失墜咨爾九

姓迴鶻君登里羅羽錄沒密施句主錄毗迦可汗地生寄特天賜勇智英姿所莅雄畧所加諸戎雜虜愛畏柔服風靡山立清寧一方宜人有土受天百祿特推代嗣實來告子曰予一人寔降冊命是用遣使朝議大夫檢校左散騎常侍兼少府監御史大夫雲騎尉賜紫金魚袋裴通副使朝議大夫守少府少監兼御史中丞襲衛國公食邑三千戶賜紫金魚袋賈隣等持節備物冊為登里羅羽錄沒密施句主錄毗伽可汗於戲善必有隣德無不答此崇恩禮則彼竭信誠堯保大義永藩中夏昭昭天地實聞斯言

冊迴鶻可汗加號文

白居易

維長慶元年歲次辛丑某月朔某日皇帝若曰北方之強代有君長作殿玄朔賓于皇唐粵我祖宗錫乃婚媾五聖六絕二邦一家此無北伐之師彼無南牧之馬兵臣鋒刃使長子孫叶德保和以至今日咨爾迴鶻君登里羅羽錄沒密施句主錄毗伽可汗義智忠肅武次勇健天之所授時而後生故東漸海夷西亘山狄惠寧威制麟帖草偃聲有聞於天下氣無敵於荒外而能事大畜遠納忠賢請仍舊姻誓嗣前好朕惟睦隣是務柔遠為心既降和親

之命遂申飾配之禮禮物大備寵章有加喜動陰山光增昴宿夫以迴鶻  
雄傑如彼慶榮若此雖自貴曰天驕子未稱其盛雖自尊曰天可汗未稱  
其美宜賜嘉号以大誇將來今遣使某官副使某官某等特節加冊為  
信義勇智雄重貴壽天親可汗於戲釐降展親大息也進冊加號大名也宜  
思大德稱大名懋哉始終欽若唐之休命

冊迴鶻彰信可汗文

維大和七年歲次癸丑某月日皇帝若曰王者運神功以清九有敷至德以  
柔四夷雖萬國遠邦皆有君長而一時締禮時厚親憐用昭絕漠之榮式  
示徽章之貴克膺盛典允屬雄材咨尔九姓迴鶻爰登里羅汨沒密施  
合句錄毗伽彰信可汗代濟公忠時推英毅對明有守信實不渝惣北方勁  
悍之師慕中華清淨之化克紹前訓實懷遠圖慶叶承家願申永好彼  
無侵軼此務綏安兩國咸歡六姻弥重事大之義而志合春秋相嚮之誠而  
皎如日月使旁牛贄幣交池詞意綢繆禮自恭恪是嘉誠欵宜賜寵  
光必飾虔受新恩纂乃舊服今遣使寧遠將軍兼御史大夫上柱國賜  
紫金魚袋嗣唐王弘實副使中大夫將作少監兼御史中丞賜紫金魚袋嗣澤

王容等特節備禮冊為九姓迴鶻爰登里羅治沒密施合句錄毗伽彰信  
可汗於戲海內四極堆唐舊封天下一家與我同軌奉茲典布于神明尔其  
慎固封疆祇守名器罔墜先烈載揚令猷欽承礼文以作來範

大中十一年冊迴鶻可汗文

皇帝若曰我國家誕膺天命光宅中土居臨九有包舉八荒聲教所加冊命  
咸及而况回鶻北方之強代濟忠烈惠行隣境俗慕華風立國以來嘗効  
誠節代為甥舅每歲通和推誠不疑為我与國當會昌之際自屬天灾人  
罕粒食上下離散牙帳為墟地多種落所侵國甚忝離之歎朕自登寶  
祚每軫素懷爰發使臣訪其後嗣輶車既出蕃使負來咨尔回鶻可汗  
挺此雄材生於貴族能收既絕之燼常懷再振之心願嗣天驕載歸地着發  
使請命誠諱可哀夫親仁善隣國家之寶興滅繼絕王者之宜况朕布德滂  
仁施於海外尔乃堅誠勵節行乎域中所以公侯子孫道在必復華夏屏衛  
理宜長存既將還定舊封欽承墜緒克紹崇構允鴻休今遣使臣朝議郎  
檢校秘書監兼衛尉少卿御史中丞上柱國賜紫金魚袋王端章副使臣  
朝議郎檢校尚書工部郎中兼國子礼記博士御史賜緋魚李濟特節



脩禮冊命為九姓回鶻盟祿登里羅汨沒密施合俱錄毗伽懷建可汗尔  
其服我恩榮膺茲位號勉脩前好恢復命故疆宜克已於蹄林長歸心於  
魏闕無怠尔志承孚于休

大中十年十二月

### 盟文

#### 扶餘與新羅盟文

往者百濟先王迷於逆順不敦隣好不睦親姻結託高麗交通倭國共為  
殘暴侵削新羅剝邑屠城略無寧歲夫子憫一物之失所憐百姓之無辜  
頻命行人遣其和好負險恃遠侮慢天經皇赫斯怒鑿行吊伐旌旗所  
指一戎大定固可儲宮汙宅作誠來裔塞源拔本垂訓後昆然懷柔伐叛  
前王之令典興亡繼絕往者之通規事必師古傳諸曩冊故立前百濟大司  
稼正卿扶餘隆為熊津都督守其祭祀保其桑梓依倚新羅長為典  
國各除宿憾緒好和親恪承詔命永為藩服仍遣使人右威衛將軍魯  
城縣公劉仁願親臨勸諭是宣成旨約之以婚姻申之以盟誓刑牲歃血共  
敦終始分灾恤患思若弟兄祇奉綸言不敢失墜既盟之後共保歲寒  
若有背叛不恒二三其德興兵動衆侵犯邊陲明神鑒之百殃是降子孫不

育社稷無守禮祀磨滅罔有遺餘故作金書鐵券藏之宗廟子孫万代  
無敢或犯神之聽之是饗是福

麟德二年八月

#### 典吐蕃會清水盟文

唐有天下恢奄禹跡舟車所至莫不率俾以累聖重光歷年惟永焯王者之  
王業被四海以声教典吐蕃贊普代為婚姻固結隣好安危同軀生男之  
國將二百年其間或因小忿弃惠為讎封疆騷然靡有寧歲皇帝踐祚  
愍茲黎元俾釋俘囚以歸蕃國展禮同茲叶和行人往後累布成命是必詐  
謀不起兵革不用矣彼猶以兩國之要求之永久古有結盟今請用之國家務  
息邊人外其故地弃利蹈義堅明後約今國家所守界涇州至彈爭峽  
西口隴州西至清水縣鳳州西同至谷縣暨劔南至山大渡水東為漢界蕃  
國守鎮在蘭渭原會西使臨洮又東至成州抵劔南西界磨步諸蠻大渡  
水西至南為蕃界其兵馬鎮守之處州縣見有居人被此兩邊見屬漢  
諸蠻以今所分見住處依前為定其黃河已北從故新泉軍直北至大磧  
直南至賀蘭山駱馳嶺為界中間悉為閑田盟文者所不載者蕃有兵  
馬處蕃守漢有兵馬處漢守並依見守不得侵越其先未有兵馬不

得新置并築城堡耕種今二國將相受辭而會齊戒將事告天地山川之神惟神照臨無得愆墜其盟文藏於宗廟副在有司二國之成其永保之

建中  
張邨

遣使賑撫回鶻制

自古今王撫寧荒服忠於國者則有繫絕之恩順於道者則有固存之義者所以原其鄉化優以報功迴鶻累代姻親久脩臣禮服我聲教保茲信誠嘗以國難識其忠良嚴霜見其貞松疾風知其勁草永言勲力豈忘予懷如聞紇圻斯攻兵折眾叛富產大耗國又荐饑流離轉徙遠逾沙漠近因大和公主遣使入朝已知新立可汗寓居塞下告窮請命未有所歸每念艱危載深憫惻今欲救恤窮困撫慰傷痍使四方知朕不忘舊勲報其大順昔匈奴乖亂呼韓近塞漢宣帝轉粟二万石俾其安輯離散漸就漢南再復舊疆永保恩好宣示中外宜軼朕懷

會昌元年  
十二月

捨雪

原吐谷渾制

伐罪吊人前王高義興亡繼絕有國令典吐谷揮擅相君長竊據壇場處劉黎庶積惡既稔天亡有徵朕君臨四海含育万類一物失所深責在余所以爰命六軍申茲九代義存治國情非黷武其子大寧王慕容順隋氏之甥志懷明悟長自中土早慕華風爰見時機識逆順以其父懷諫遠眾獨陷迷途遂誅邪臣存茲大計翻然改轍代父歸罪忠孝之美深自可嘉子能立功足以補過既往之豐特宜原免然其建國西部已歷年代即從廢絕情所未忍繼其宗祀允婦令胤封順西平郡王食邑四千戶仍授越胡呂烏甘豆可汗所司量遣使人備禮冊命

正觀九年五月

宥吐谷渾制

文德懷遠列聖之弘規興亡繼絕至仁之通訓吐谷渾發迹東胡窟居西域負險自固擅立君長爰在前代通使中原或為叛臣不恒厥德近者慕容步薩鉢為主老而智昏迷而志返志懷首鼠處劉疆場朕頻命行人懸懇誘諭不納忠信之言唯行蜂蠆之毒及六軍問罪尚令申諭遂無悛革以至滅亡其子順困感事窮措身無所委命下吏輿輓轅門故命解網釋

俘繼其宗祀乃懷戴志遵彼覆車曾未決旬自貽屠戮子燕王諾曷  
鉢弱不好弄幼稱通理統纂舊業即逢內難故遣旌節遠申安撫遂能  
率其種類同竭款誠盡落傾巢趨謁使者屈膝頓顙尊奉朝化請頒  
正朔願入提封丹誠內發深可嘉尚宜隆寵章懋茲賞典可封河源郡王  
食邑四千戶仍授烏地也拔勒豆可汗即遣使人備禮冊命

正觀十年三月

洗雪平夏党項德音

平夏南山雖云有異源流風俗本貫不殊我國家累聖已來許居內地久  
奉声教亦立功勞朝廷撫綏常布恩信近者邊陲之師制御乖方遂有  
兇悍之徒不率父兄之教或侵暴州鎮或攻掠道塗告諭回悛猖狂頗其  
朕君臨區寓深念黎元凡曰含生皆同赤子但欲為民除害固非黷武佳兵  
每觀殺傷深多恻惻是以去年特雪平夏驅除南山及聞窮困無歸復有  
懷來之意遂令敏中李安業分統諸軍先示招攜仍加訓練但知非則赦  
免不得已則誅鋤王者之師義實在此近得敏中狀申南山民願歸降瀝懇  
輸誠唯思展効請般運糧料乞保護封閣其奏章深愜朕意昔者式  
有剽劫必推南山南山或有寇攘亦指平夏既相非斥云說矩長終難辨相

祇益讎怨今則並從洗雪咸許自新但能各務安全遞相勸免保其生業  
絕彼侵踰從前所有僣違自此一切不問唯益州深居沙塞之衆桑軍  
士衣糧須通商旅沿路堡柵事須務營令委李安業依朝廷制置差兵  
建築防守猶恐部落忘懷疑慮仍令李安業駐軍塞門朕之屈法從人  
斯為極矣若執迷不返干犯國章後悔難追深直自省

大中五年七月

唐大詔令集卷第一百二十九  
唐大詔令集卷第一百三十

蕃夷

討伐

命皇太子封稽胡詔

討吐谷渾詔

討高昌王鞠文泰詔

討高麗詔

親征高麗詔

高麗班師詔

命呂休環北伐制

命姚崇北伐制

命薛訥與九姓伐默啜制

討回鶻制

平亂

破高麗詔

降高麗領示天下詔

破高麗賜酺詔

收復河湟德音

平党項德音

告廟

破薛延陀告廟詔

平戎告廟勅

討伐

命皇太子討稽胡詔

稽胡部類居近北邊習惡之徒未悉從化潛竄山谷竊懷首鼠殺抄居民侵擾亭候可令皇太子建成總統諸軍以時致討分命驍勇方軌齊驅跨谷彌山窮其巢穴元惡大憝即就誅夷驅略之民復其本業行軍節度期會進止皆委建成處分

武德四年九月

討吐谷渾詔

近以吐谷渾恃其遐阻屢擾疆場肆行凶虐種類乖離爰命將士申茲吊伐有征無戰所向摧殲渠魁竄迹自貽滅亡朝威遠暢邊亭靜謐朕君臨寰宇志在含弘不欲因彼危亂絕其宗祀乃立偽主之子大寧王慕容順招撫餘燼守其舊業而順曾不感恩遽懷志貳種落之內人蓄怒憤遂創大義即加剗絕雖復權立其子所部又致擾亂竟動干戈各行所欲朕憂勞兆庶無隔夷夏乃矐西顧良用矜惕若不星言拯救便恐塗炭未已兵部尚書潞國公侯君集等咸才兼文武寄深內外嘉謀著於唐堂茂績書於王府必能宣風間外克定遐方量其事機緩撫經畧分遣使人明加曉諭如有不遵朝旨敢興異圖即合精銳隨便剪撲盡威懷

之道稱朕意焉

討高昌王麹文泰詔

明罰勅法聖人垂懲惡之道命將出車王者成定亂之德故三苗負固虞帝所以興師鬼方不恭殷宗所以薄伐朕嗣膺景命君臨區夏弘大道於四海推至誠於萬類憑宗社之靈藉股肱之力億兆獲又尉候無虞建木棘林山經靡記之域幽都大夏王會不書之君莫不華面內款屈膝請吏襲冠帶於魏闕均賦於華壤而高昌麹文泰猶為不軌敢興異國事上無忠款之節御下逞殘忍之志往經朝謁備加恩禮溪壑難滿曾無報効禽獸為心遽懷凶狡詔命之嚴稟承之誠既闕王人之重祇敬之禮亦虧自隨季道消天下淪喪衣冠之族疆場之人或寄命諸戎或見拘寇手及中州既定皇風遠肅人懷首丘途經彼境皆被囚繫加之重役忍苦遐外控告無所入伊吾之右波斯以東職貢不絕商旅相繼琛賫遭其寇攘道路由其擁塞又西蕃突厥戰爭已久朕愍其亂離志在安輯乃立啞利始可汗兄弟庶令克復舊基文泰反道敗德世安好禍間諜首豪交亂種落遂使旄裘之長亟動干戈引弓之人重罹塗炭又焉耆之地與之隣接文泰嫉其盡節

輕肆凶威城池有危亡之憂士女嬰劫掠之酷加以虐用其眾毒被所部官罰無章內外嗟怨繕造宮室勞役日興修營興輦僭侈無度法令深刻賦歛繁舉（重）手動足咸羅網畜牧園果悉有征稅眾力既盡人財已竭飢寒愍至憤歎盈途比室連甍不勝苛政故老兒童思嚮王澤朕受命上玄為人父母禁暴之道無隔內外納隍之慮切於輿寢錄其舊款仍懷愍念所以頻遣使人具申朝旨勗以為善之規示以自新之路庶知感悟無煩師旅而昏迷遂性荒急不悛貫盈之釐既稔天亡之期已及况復文武真僚戎狄君長請博刃者相屬懷遠在者比肩宜順夷夏之心以申吊伐之典討凶渠之多罪極無辜之倒懸今遣（文）河道行軍大惣管吏部尚書侯君集副總管兼右屯衛將軍薛万鈞副總管左屯衛將軍薛孤吳兒行軍惣管武衛將軍牛進達等董率眾軍弘宣廟略乘驛進路同會虜庭莫不氣奪風雲精貫日月援桴懷憤拔距爭先良將奮建銳之威銳卒効如鏡之勇莫馬燕犀猶迅雷之震繫雲梯地道若至神之變化以此制敵事等摧枯以此屠城易於反掌然朕矜憫之心有懷去殺勝殘之道無忘好生（若）文泰面縛軍門泥首請罪特弘焚櫬之澤全其將盡之命自餘臣庶弃惡歸誠

並加撫慰各令安堵以明逆順之理布茲寬大之德如其同惡相濟敢拒王師便尽大兵之勢以致上天之罰明加曉諭稱朕意焉

正觀十三年十二月

### 討高麗詔

行師用兵古之常道取亂侮亡先哲所貴高麗莫支離蓋蘇文殺逆其主酷害其臣竊據邊隅肆其蜂螭朕以君臣之義情何忍若不誅剪遐穢何以懲肅中華今欲巡幸幽薊問罪遼碣行止之宜務存儉節所過營頓無勞精飾食唯充飢不須嘉膳水可涉渡者無假造橋路通行者不勞修理御營非近州縣學生父老等無煩迎謁隋室淪亡其源可觀良由智略乖於遠圖兵士疲於屢戰政令失度上下離心德澤不加於足夫刻薄弥窮於百姓當此之時也高麗之主仁愛其人故百姓仰之如父母煬帝殘暴其下故衆庶視之如仇讎以思亂之軍擊樂安之卒務其功也不亦難乎何異入水而惡其濡踐雪而求無跡朕緬懷前載撫躬內省昔受鉞專征提戈撥亂師有經年之舉食無盈月之儲至於賞罰之信尚非自決然猶所向風靡前無橫陣蕩氛霧於五岳剪豺狼於九野定海內振蒼生然則行軍用兵皆億兆所見豈虛言哉及端拱嚴廊定策惟辰身處九重之內謀決万里

之外北徂凶奴種落有若摧枯西滅吐谷渾高昌易於拾芥苞絕漠而為苑跨流沙以為池黃帝不服之人唐堯不臣之域並皆委質奉貢歸風順軌崇威啓化之道此亦天下所共聞也况今豐稔多年家給人足餘糧栖畝積粟紅倉雖足以為兵儲猶恐勞於轉運故多駟牛羊以充軍食人無裹糧之費衆有隨身之廩如斯之事豈不優於曩日加以躬先七萃親決六奇使攻無所守戰無所拒略言必勝之道蓋有五焉一曰以我大而擊其小二曰以我順而討其逆三曰以我安而乘其亂四曰以我逸而敵其勞五曰以我悅而當其怨何憂不剋何慮不摧可布告元勿為疑懼耳

正觀十八年十月

### 親征高麗詔

觀乎天道鼓雷霆以肅万物求諸人事陳金革以威四方雖步驟殊時質文異制其殘殺殺禁暴雷戮于紀討未賓莫不仗義而申九伐文德昭於率土因時而董三令武功成於止戈朕祇膺寶曆君臨寰宇縣憑宗社之靈藉卿士之力神祇儲社夷夏宅心故上柱國遼東郡高麗王高武風效丹款早奉朝化忠義之節克著於嶠夷職貢之典不愆於王會而其臣莫離支蓋蘇文苞藏凶心招集不逞潛興計謀奄行弒逆竟酷纏於穢貊痛悼徹於諸

華纂彼藩權其國政法令無章賞罰失所下凌上替遠怨逆嗟加以好亂  
滋甚窮兵不息率其群兇之徒屢侵新羅之地新羅喪土憂危日深遠  
請救援行李相屬朕愍其倒懸之急爰命輕軒之使備陳至理喻以休兵  
曾不知改莫遵朝命窺窬亭障首鼠窟穴完聚更切賦斂尤繁丁壯盡於  
鋒刃羸老糜於板築久廢耕桑咸罹飢饉生肉表異顯其亡徵雨血為妖彰  
其數盡比室愁苦闔境哀惶華髮青衿不勝苛政延頸企踵思霑王澤昔  
有苗弗率勞大禹之駕葛伯仇餉動成湯之師况亂常巨寇彘三綱而肆逆  
滔天元惡窮五刑而莫大者哉朕所以宵分典慮日旰忘食討罪之懷既深  
於投袂救人之義弥軼於納隍類上帝而戒途詔夏官而鞠旅可先遣使持  
節遼東道大行軍惣管英國公勳副惣管江夏王道宗士馬如雲長駟遠左  
奮夷岳之威屠地豕於險瀆乘建瓴之勢斬鯨鯢於錢方行軍惣管執  
失思力行軍惣管契必何力等率其種落隨機進討契丹藩長於句折  
溪藩長蘇支燕州刺史李玄正等各率其衆絕其走仗使持節行軍大  
惣管張亮副惣管常何副惣管左難當等舟楫相繼直指平壤新羅王  
金善德傾其城邑竭其府藏荷不貲之澤復累葉之讎出樂浪而衝

腹心臨沃沮而蕩巢穴百濟王扶餘義慈早著丹赤深識時機弄歷稔  
之私交贊順動之公戰羸糧蓄一唯命是從凡此諸軍万里齊舉頓天羅  
於海浦橫地絡於遼陽朕然後經塗白狼之右親巡玄菟之城執金鼓而  
戒六軍載太常而麾八陣使流湯者魚爛握炭者冰消誅渠魁於惡稔吊  
黎庶於崩角其或擁衆立功或間行自拔宜弘寬大各復農土有勞者當加  
其賞懷能者不滯其才如其長惡莫悟迷途遂往斧鉞既下必嬰喪元之悲  
玉石一焚徒軼噬臍之歎具宣朕旨咸使聞知

正觀十八年十二月

### 高麗班師詔

朕聞之聖人慎罰觀於再駕明王舉事制勝於三年合諸侯以討逆既擒  
而且縱惣海內以除殘臨刑而止殺其故何哉信由上天之德曰生王者之師  
曰義是以網開三面干舞七旬豈有恣欲獲威取鯨鯢而竭澤覆巢探穴螫  
虜如以塗原者乎憬彼夷島僻居艮壑晉皇淹駕總克一城隋帝頻師淪  
兵百万朕光承寶曆司牧普天陶化紫宸法兩儀而道守俗推心黔首徇方  
寓以勞神纖介不安終宵輟寢蠻貊未乂日旰忘食是以遠涉天崖此焦  
原而未險長駟若木譬言平圃以非遙憤角遼陽躬親節度縱金海表震

曜威靈尅其玄菟橫山蓋年磨迷遼東白巖卑沙麥谷銀山後黃等  
合一十城凡獲戶六万口十有八万覆其新城駐驛建安三大陣前後斬首四  
万餘級降其將二人裨將及官人酋帥子弟三千五百人兵士十万人並給  
程糧放還本土又獲馬牛各五万館穀十旬不假運糧之費徒兵累万咸  
發兼乘之歌自夏涉秋係虜相次由燕及雍襁負不絕緬惟湯文取乱常  
懷偃伯之心虞夏勝殘寔弘光被之美有懷哉武造次何忘但以賊帥莫  
離支猶不投首本圖未果志無旋旆忽屬徼外霜嚴海濱寒沍念茲兆  
衆便命班師朕所向必推上靈之祐也所攻無敵勇夫之力也方且仰酬玄澤  
展大礼於郊裡塞此勤劳錄推鋒於將士有勲者別頒榮命無功者  
並加優卹諸渡遼海人應加賞命及優復者所司宜明為條例具狀奏聞  
朕將親為覽詳以申後命

正觀十九年十月

### 命呂休璟等北伐制

蘇頌

門下朕聞守在四夷蓋安人以伐衆加於百姓豈窮兵而黷武然則日之所出  
俾于化故知天之所討必罄其罰自默啜度劉肆暴桀鷲反常獨為匪  
人假命驕子者有歲時矣雖奉書就邠或遵於聲朔而控弦犯塞已毒於

四万五千九

疆場朕惟務懷柔每在含忍遂使庶邦債其積稽其六月之師逋寇禍  
盈窮此百年之運金山道前軍大使特進賀臘毗伽欽化可汗突騎施守  
忠二庭責緒萬里威聲忠而善謀勇則能斷自膺殊禮名寵於外蕃  
思立大功志動於中國兼遣弟右監衛將軍守節長駟沙漠直指金微默  
啜舉其種類耒相抗拒近殪於鋒鏑之下若已亂麻遠憑於廟堂之上將  
同破竹堅昆在右犄角而東並累獻封章請屠巢穴朕又聞不得已而用  
者孰若兵机之可得而遣者迺符人事永言取乱宜戒徂征右領軍衛將軍  
兼檢校北庭都護碎葉鎮守使安撫十姓呂休璟心堅鐵石氣橫風雷始  
則和戎之利光得晉卿終而逐虜之功永邀漢將可為金山道行軍大惣  
管北庭副都護郭虔瓘安處哲等懷才抱器蓄銳俟時慣習軍容備知  
遠要並可為副大惣管領瀚海北庭碎葉等漢兵及驍勇健兒五万騎金  
山道前軍大使特進賀臘毗伽欽化可汗突騎施守忠領諸蕃部落兵健  
兒五万騎相知計會遂便赴金山道朔方道行軍大惣管右武衛大將  
軍攝右臺大夫同中書門下三品上柱國韓國公張仁宣文武將相莫之與  
京心腹爪牙是所繫賴當分閫之任受昇壇之律常願親先士卒不令賊遺



君父與副大惣管右監門衛大將軍曾受信等將蕃漢兵募健兒武用  
絕群飛騎城傍等十五萬騎赤水軍大使涼州都督司馬逸客外寬內明  
正辟直道標慷慨之節曾不顧身蘊經營之志期於盡敵與右武衛將軍  
陳家丘右金吾衛翊府中郎將李玄道副使左驍衛鹿陵府折衝能昌仁  
左衛神山府折衝陳義忠等領當軍及當界蕃漢兵募健兒七萬騎豐  
安軍大使靈州都督甄祭副使張趙壁常元寂等領蕃漢兵馬六萬  
騎防禦群牧大使臨洮軍使甄亶領當軍莫門積石等軍兵募及祭  
闡渭成等州大家子弟惣二萬騎建康軍使甘州刺史李守徵玉門軍使  
南州刺史湯嘉惠墨離軍使瓜州都督李思明伊吾軍使伊州刺史李  
脊交等各領當軍兵馬典突騎施守忠呂休璟等計會共為表裏莫  
不運其長策悉心而効六奇接以短兵指掌而論七縱使天陣齊舉雲  
備設賈勇於飲醪之夫一以當萬揚威於汗血之騎左縈右拂咸挈竈斬  
蛟曳牛佩豕必能力歎窮海聲壓大荒刈谷蠡之庭拔權渠之壘不皇渭  
橋之拜已見陰山之哭然則持旌節金鼓者所以問不賓誅其惡而比夫不  
誠復迷則凶俾存開網之仁預軼焚崗之歎休璟所須兵馬申杖一事已上仍

依別來處分王者施行景龍四年五月十五日

命姚崇等北伐制

黃門朕聞上古聖王之致理則教之以戰陣之以兵蓋威不恭而服不順也  
故始於禁暴終於偃伯斯不得已而用之朕以寡昧誕膺鴻業忌欲率動靜  
歸之教化豈要荒之外弃為匪人而事育之中視則如子因不遵我文執終  
其貢賦歲時相望道路砥屬而默啜素稱裂鷲鳴鏑於狼居頃自懷柔獻  
書於象魏朝廷所以許其通好議以和親使臣累齎賚贈帛侍子今襲冠  
帶庶中國無事長城罷守戢于干戈而鎖劍戟者朕之意馬豈謂我盟  
不渝爾約斯背伊庭之際遂敢侵軼西北偏隅尚聞嘯聚維摧其精銳而  
困於圍逼此不虞之失也朕嘗憐之犬羊無親不可恃信而輕敵能有勇咸  
能宣威而制勝朕由是詢卿士奏攬英雄之心謀元帥而得佐軍恢遠圖  
而舉長策隨時之義其在豫乎兵部尚書兼紫微令監修國史上柱  
國梁國公姚崇天假其才日新厥德禮義為今居有四科譽猷是先生  
知千里以仲山甫以之操管夷吾之能智湧泉而不窮精貫日而逾勵信廟  
堂之柱石鼎彝之盤梅必能奮示六奇光我三傑可恃節靈武道行軍

大惣管管內諸軍咸受節度右領軍衛大將軍兼檢校軍于大都護鎮  
守軍使張知運寬厚沈毅外內直威而勇決自攝軍于之臺惠則撫循  
咸仰將軍之樹可中軍副大惣管權檢校原州都督李欽憲家承將相器  
兼文武求古人之節臨事不回讀前夫之言好謀而斷可左軍副大惣管檢  
校左威衛將軍靈州都督呂休璟慣知邊要久探戎律誠期報國去病安  
用家為奮不顧身伯照不持賊遺可右軍副大總管左驍衛將軍論弓仁右  
金吾衛大將軍勿部珣左領軍衛即將攝本衛將軍張真楷軍于副都護  
威懷亮右領軍衛中即將王海賓前朔州刺史劉元楷右武衛即將楊楚客  
并州定清府果毅元蕭然等牧為用關張其敵懷才倜儻嘗邀百勝之  
功立志經營備習九章之訓弓仁及珣並可前鋒惣管真楷可左虞候惣  
管懷亮可右虞候物管海賓元楷楚客蕭然等並可行軍惣管大僕少  
卿田崇壁鄜州刺史韓思復等強力從政精心在公知無不為利有攸往入  
敷事與省問稱其閑練出綜條察吏人畏其嚴明宗壁可兼行軍長史思  
復可兼行軍司馬兵部郎中李休光司勳郎中張敬中兵部員外郎楊致明  
江州別駕李苞等或特達珪璋所謂登壇之寶或翩翩書記曾聞及雷

之詞可以光贊出車弘宣入幕並可行軍判官靈武軍兵加滿十萬人舊馬  
既少宜於內外閑廐抽壯馬添滿六万疋原夏等州要害處亦量駕其後  
軍兵六万人馬二万疋先來點定宜合衛尉卿李延昌左羽林將軍楊敬述  
等至冬檢閱且當處團結待後進止其有先鋒破賊斬馘摧堅切効灼然  
者並委軍將便定功賞不須限以常格惣管以下有損失兵馬不能力戰弃  
軍逃命者便斬其有弃軍入賊不能死節者妻子依叛緣坐法凡此和衆誓  
子師兵統燕犀異馮之雄屯斬蛟孽竈之勇鼓鞞沸野旌旗慧雲宣武遏  
於河塞方震驚於沙漠於是乎軍膠以信之餌以賞之戮楊子之僕必行其  
令特穰苴之兵不枉其法堅壁清野則投石而有餘追奔逐北則掃塵而無類  
俾權宜於閩外仍布告於天下整勞水逸在此行焉主者施行開元二年二  
月二十日

命薛訥等與九姓共伐默啜制

黃門朕聞天所與者奉天命而不違人所弃者順人心伐由是古先帝王光宅  
區縣寔仗威武用清荒戎時義遠矣默啜以叛亡餓隸凶忍道薛敢迷  
聲朔獨匪君人禍皆所召故不自作舉其巢穴尽是離心瞻我闕庭相望  
內面猶竄身於寒苦且寄命於旬時當胡運之已窮在軒兵而逐九姓

部落等忠誠貫日義烈聞風救其擢髮之僇成於屈指之計請除驕子  
累遣使臣摧鋒而願先駟蓄而期後命右羽林軍大將軍朔方道大  
惣管薛訥左衛大將軍安北副大都謙郟王府長史平郡公張知運右羽林  
軍將軍兼涼州都督赤水大使楊敬述右驍衛將軍大武軍大使干仁誓右  
武衛將軍大使杜賓客豐州都督西受降城使呂休琳勝州都督東受降  
城使邵宏左金吾衛大將軍迴紇伏帝匄左衛大將軍渾元忠佐武衛大將  
軍似和舒右武將軍兼賀蘭州都督契苾承祖等或出將入相有經濟之  
才或博詩悅礼有韜鈴之算或嫖姚仕漢有遮虜之勲或由余入秦有伐  
戎之策謀彼元帥擇于左軍可以授旗遂行摧轂而進訥可中道大惣管賓  
客宏休琳等為副知運可東道大總管弓仁誓等為副敬述可西道大惣  
管伏帝匄元忠和舒承祖等為副各領馬步五万人與九姓計會三軍既整  
百道齊入吳鈎楚練照耀陰山之奔異馬燕犀張皇窮漠之地况彼寇惡  
積我師義動知存亡者觀其兆摧枯朽者鮮其力庶使疆場罷候從此息  
人邊鄙不虞日而尽敵布告天下咸遣聞知主者施行

開元四年  
正月二日

### 討回鶻制

天之所廢難施繼絕之恩人之所棄當用侮上之道朕每思前訓豈忘格  
言迴鶻比者自強恃久為桀驁凌虐諸部結怨近鄰訖於斯潛師彗掃窮  
居瓦解種族尽膏於原野區落遂至於荆榛今可汗逃走失國竊号自立  
遠踰涉漠寄命邊陲朕念襄殘尋加賑卹每陳章表詐諛之詞接我  
使臣如全盛之日無傷禽哀鳴之意有困獸猶鬪之心去歲潛入朔川大  
掠牛馬今春掩襲振武逼近城池可汗皆自率兵首為寇盜不耻破敗莫  
顧姻親河東節度使劉沔料敵伐謀乘机制勝發胡貉之騎以為前鋒塞  
翎侯之旗伐彼在穴短兵鏖於帳下元惡軼於殼中况乘非六羸眾統一  
旅儲備已竭計日可擒太和公主居處不同情義久絕懷土多思亟聞黃  
鵠之歌失位自傷寧免綠之歡念其羈苦常軫朕心今已朕於豺狼再見  
宮闕上以攄宗廟之宿憤次以慰太皇太后之深慈永言歸寧良用欣感  
其迴鶻既以破滅義在剪除宜令諸道兵馬便同進討河東立切將士已下  
優厚賞給續條流處分應在京外宅及東都修功德迴鶻並勒冠帶各配  
諸道收管其迴鶻及摩尼寺庄宅錢物等並委功德使以御史臺及京兆  
府各差官點檢收抽不得容諸色人影占如犯者並處極法錢物納官摩

尼寺僧委中書門下條流奏聞於戲昔漢宣帝值匈奴乖亂有擁護之恩  
郵支單于背叛禮義傷毀威重漢史所以明可誅之罪二虜禍福皆自取  
焉四夷百蠻宜以為鑒布告中外深体朕懷

平亂

破高麗詔

會昌三年正月

攷

五兵爰始軒皇戰于阪泉七德收基唐帝剋于丹浦莫不降亮剪暴道濟  
生靈斥土開疆威加以海朕欽承寶曆削平天下六合之內咸以為三光所  
臨義無偏照由是環禪之表咸森以航深垓寓之中尽顛而面內而島  
夷陪餘虐弑其君毒被朝鮮火流穢猶幼孤者不勝苛暴忠槩者仰我來  
蘇朕言念匪人深懷夕惕親御戎軒躬執金鼓意在以殺止殺仁育被於  
群生用刑清刑義征戡於不惠廓滔天而調雨露禽獮夏以正對疆用此  
佳兵事非獲已仰申天罰遂乃龔行先命行軍大惣管英國公勣行軍  
總管張儉等率領驍銳元戎啓行北狄西戎之威為將帥奚雪契丹之旅  
背充甲卒如貔億計躍馬千群惣管萃遼東之城攻其南面副大總管江  
夏郡王道宗第一軍惣管虢國公張士貴等率五陵之勁卒董六郡之良

家分麾引道攻其西面申命前軍大將軍夔國公弘基等分統猛士填  
其濠塹賊城臨地險激梁水以環流聳壘陵雲壓頽山而靡懼於是雲  
羅四合地道九攻危城倏以復隍湯池俄而失險猶且析骸窮壘壁巢幕以  
偷安轉骨深溝坐積薪而侍燎愍其塗炭申其再造頻加誨誘固執迷塗由  
是猛士衝冠壯夫挺劍咸頓首於馬前請日機而電掃難違衆議爰詔許  
之乃分命諸軍回面雲合朕登高迥矚授其節度又命檢校太常卿鄂國  
公敬德領黃門之軍樂奏玄雲之雅歌將聞之增憤士卒由其作氣于時  
凍雨初晴驚風漸急聊命縱火數處潛燃焚其樓雉並為煨燼合城男子  
面縛軍門取彼渠魁屬之司敗千載逋寇一朝清蕩斯並宗廟降靈上玄幽  
贊忠臣猛將尽節陳謀勁卒勇夫輕身効命同心力成此大功豈朕一人  
獨能致此今茲克捷普天同慶宜令頒下咸使聞知

降高麗頒示天下詔

正觀十九年四月

上天之道先德而後刑王者之師有征而無戰是以炎農剪暴風沙自縛  
其君玄乙興師有苗不固其險朕勞神濟物以育姓而為心則天弘化環四海  
而開宇義非獲已由是率兵每蓄哀矜深存宥罪自濟遼水先令告喻

而蓋年不草其面遼東猶抗其斧既觸天網遂縱兵鋒未展鷹揚已皆  
魚爛朕乃鼓行乘勝師次白巖凶徒相率登陴拒守因山構壘仰切浮雲  
崇澗踰隍下臨無<sub>景</sub>妖氛蝟聚如憑劍閣之深同惡鴟張若負洞庭之  
險乃命行軍大總管英國公勣等統咀鼠冠鷄之將率挈龜斬蛟之士石  
發甚於星實樓毀同於山壞朕憫彼同焚情深惻隱乃親御八駿責勸三  
軍賊旣倒懸方思轉禍積甲齊於熊耳獲庚方於海陵建十州之旗各復  
於桑梓反三韓之士不易於農肆焚觀錫爵馳馳遼<sub>海</sub>之間鑿井耕田編  
列卞辰之野古人有言曰全國為上蓋斯之謂焉又燕碣土風素多霖霖  
軒皇遭召雨之晉后若涌水之災自朕出師上靈幽贊旭日澄霽層雲輟陰  
所指未有堅城所向乃無完陣天道人事義等合符窮穴傾巢庶將非遠宜  
以大慶頒示普天

正觀十九年三月

### 破高麗賜誦詔

上帝明威鼓雷霆而震懼先王杖順用甲兵而吊伐故能經綸九野清滌八荒  
于七征玄王創其鴻業五十二載黃運垂其大名騰有國之英猷光列代之通典  
朕荷構軋象大庇群生池濛汜而苑扶桑紐天紘而疆日域茲茲皮服敢亂

天常但折彼蝨腹何俟五丁之力射其雀目無假万弩之機然以先聖救焚  
咸言援手自惟已任是用躬親故知矢石交前非勝巖廊之道分胃為飾不  
逮流冕之容若命將以授戈愧奉身而役物故親征而沐雨務形勞以安眾  
二儀冥鑒所向弗違自涉遼陽受降之城累築曾未期月獻凱之歌自奏  
傳烽告捷異往昔之照甘泉資敵為糧矯向時之挽紅粟復以今日中攻其  
安市城重圍四布勢同三板之危縣命短晨哀其守陴之哭高麗偽主掃其  
境內罄茲驍銳咸發從軍爰自平壤長駢影援有徒十五萬連旗三十里煙火  
稽天若黃地之吐霧殼騎橫野邁赤蟻之為群朕心計料其地形屈指籌其  
破日分命衆將各稟新書臨事設奇因機制變行軍大惣管李勣率惣管  
公張士貴等馬步軍十四惣管當其西南面又命趙國公無忌率馬步軍二  
六惣管馳自東谷合其來道抵背扼喉塞其歸路朕乃潛師偃旆登于北山候  
彼交鋒於茲聳轡若處中天之樹樹俯周宮於目前如登太岳之岑觀魯邦於  
掌內出其不意凶徒遂擾初為一陣西拒勣軍及此三分因而大潰流血川溢滄  
波為之暫丹斬級弥山臚骨以之成岳盖由鋒鏑交下玉石同燼雖則可哀理  
無兼濟其兵將大耨薩延壽惠真率其餘眾一輸款但高麗國政本二人今

惣偽軍隻輪不返大慶允集益深祇懼可歸美清廟昭告懋功頒于万邦

賜脯三日

正觀十九年六月

### 收復河湟德音

自昔皇王之有國也何嘗不文以守成武以某事參諸一柄歸于太寧朕猥荷丕圖思弘景業憂勤戚惕四載于茲每念河湟土疆綿亘遐闊天寶未犬戎乘我多難無力御奸遂縱腥羶不遠京邑事更十葉時近百年進士試能靡不竭其長策朝廷下議皆亦其直詞盡以不生邊事為未圖且守舊地為明理荏苒于是收復無由今者天地儲祥祖宗垂祐左衽輸欵邊壘連降刷耻建功所謀必克實賴樞衡妙算將師雄稜副玄元不爭之文絕武遠征之梅甌脫頓空於內地斥候全據於新封莫大之休指期而就况將士等擲沐風雨暴露郊原披荆榛而力斗夜嚴遂豺狼而窮盧曉破動皆如意古無與京念此誠勸宜加寵賞涇源宜賜絹六万疋靈武宜賜絹五万疋鳳翔邠寧宜各賜絹四万疋並以戶部產業物充仍待季榮叔明李玘君緒各回戈鎮度支差脚支送四道立功將士具名銜聞奏當議甄訓其秦威原三州并七關側近訪聞田土肥沃水草豐美如百姓能耕墾種蒔五年內不加稅賦

五年後已量定戶籍便任為永業其京城有犯事合流役囚徒自今已後一切配十處收管溫池鹽利可贍邊陲委度支制置聞奏鳳翔邠寧靈武涇原四道長吏能各於鎮守處遣官健耕墾營田即度支給賜牛糧種子每年量得斛斗多少便充軍糧亦不限約定數三州七關鎮守官健每人給衣糧兩分一分依常年例支給一分度支加給仍二年一替換其家口委長吏切知安存官健有庄田戶籍者仰州縣放免差役秦州至隴州已來道路要置堡柵與秦州應接李玘典劉臯即便度計聞奏如商旅往來興販貨物任擇利潤一切聽從關鎮不得邀詰其官健父兄弟通傳家信開司並亦不得邀詰阻滯如要墾闢種田依百姓例處分三州七關如少器械長吏與量據所申奏由除刺史開使後三五月內差人巡檢如有脩築部署課績尤深并訓諫有序者其刺史開鎮使雖新除官爵亦更典超昇其官健節級更與優賞山南西道劍南山川邊界有沒蕃州縣量力收復其兵士委本道差遣如要錢物接借亦具聞奏三州七關創置戍九十且要務靜如有羗戎潛來博易輒不得容納委刺史切加禁斷或有投降吐蕃到邊上收取本道令長奏取進止嗚呼七關要害三郡膏腴候館之殘址可尋唐人之遺風尚在追懷往事良用興嗟夫取不在

廣貴保其金湯得必有時詎計於遲速今則便務修築不進干戈必使足食  
足兵有備無患載洽亭育之道永致生靈之安中外臣寮宜臚朕意

大中三年八月

### 平党項德音

冒法干紀豈限於革夷伐罪吊民國資於興訓朕端拱御寓六年于茲兢兢  
業業不敢怠忽常恐一物失所群心靡寧盱食宵衣思底于道屬者以  
党羗恣為侵叛尤苦農商朕為民父母豈無憫惻雖傷朕為民財害物非  
朕躬之願而禁暴定功實武經之要是以爰興師旅襲行天討而亮渠稔惡  
稽曠歲時師宿旣勤物力將屈賴宗社儲祉中外叶心大搜妖巢盪定開隴誠  
殫財而凋力亦暫費而永寧今則軍功以成制置將就息民解申固在及時捨  
罪緩刑所宜布澤南山党項為惡多年化諭不悛頗為邊患既興兵士經歲討除  
拒官軍者悉就誅擒惧法令者皆後逃竄大開湯網已施去殺之仁遠並堯  
時寧限可封之屋今聞殘寇無所依歸皆是王民豈忘惻憫其南山党項已出山  
者或聞迫於飢乏猶行劫奪平夏不容無處居住今委李福且先遣蕃官  
安存招誘令就夏銀界內指一空閑田地居住所有從前掛涉惡跡者令一切不  
問唯再犯疆界劫入山林或不從指揮即召募平夏党項精銳者討遂議不容

四万三千九  
於三上御判

捨如能革心向化願同平夏即輸誠獻款跡効分明撫馭之間便同赤子如有  
屈事即任於本鎮投狀論理仍各令本界遣子事軍將安存平夏党項素聞  
為善自旬月已來發使安撫尤見忠順一如指揮更不猖狂各守生業自茲  
必令永戴恩信長被華風或聞從前師臣多懷會剋部落好焉悉被誅求  
無故殺傷致令怨恨從今已後必當精選清廉將帥撫馭羗戎明下詔條漸  
令知委靈鹽夏州邠寧廊坊四道官吏自用兵已來責辦公事亦其辛勤軍  
將皆已得官文吏未酬勞績宜令每道揀選公勤有勞効官吏具名銜聞  
奏有官者與依資轉遷無官差攝者當與正官仍其差攝年月申奏直須  
公當不得轉授囑託如是將師親情亦須具言四道百姓徵斂不時差役  
至多疲瘵亦甚或聞屋宇被賊焚燒至於桑麻亦遭斫伐生業既失須加  
安存宜各給復三年其無屋可居無牛可積者委長吏量事接借一一  
奏聞仍須早設法招携速令歸復勿令豪富便占產業為主自用兵已來  
諸道應徵發之處所有將健或沒於鋒刃或存被瘡痍雖經褒贈及曾優  
卹委本道更加存撫或用廢疾不任在公者終身不停衣糧如情願迴典子  
孫兄弟甥姪者便與補替應討伐党項諸道在行營將士已頒賞賜候邊上

制置有叙績部級放還仍委本道叙錄具名聞奏當議甄獎自用兵已來  
京畿與廊坊邠寧兩道接界及當路諸縣差役繁併物力凋殘若無優矜  
必難存立其金今季夏稅錢及青苗錢每貫量放三百文其斛斗量放一  
半仍委京兆尹差官子細磨勘其或雖在鄉村不曾經供應者不在準例  
放限仍一一條件等第聞奏如是分路處就中更校偏併者量加優卹必使  
均平其所放錢及斛斗委戶部以實錢支填仍令京兆府各下諸縣散榜鄉  
村要路曉示百姓務令知委用兵已來城鎮曾遭陷沒官健百姓因被殺傷  
親戚既無遺骸在野委所在長吏差人為收拾如法埋瘞仍量事致祭應有  
增修城鎮添置堡戍委所在將帥擇其要害絕彼窺覷切務堅完令可固  
守邊上不許以兵器作部落博易從前累有制勅約勒非不丁寧近年因循  
都不遵守自今已後委所在關律鎮鋪切如捉搦不得輒有透漏其犯者推  
勘得實所在便處極法其所經過州開津鎮鋪部級痛加懲責議無容  
貸其間或情涉隱欺准所犯人處分党項本是邊氓只合州縣撫馭致令一  
朝侵叛田於處理乖方既往不可加刑從今必欲行法自此後邊上逐界皆已  
有制置把提如或更有寇寇侵盜即是將帥依前貪求當先加罪於本界邊

將然後剪遂寇賊通商之法自古明規但使處流行自然不煩饋運委邊  
鎮宜切招引商旅盡使如歸除禁斷兵器外任以他物於部落往來博易應  
緣徵兵處士馬北月効勤勞亦已各有賞賜其本道將帥賞績議量加酬  
獎京畿及廊坊靈鹽邠寧夏州并涇州鳳翔振武天德等道自用兵已來  
人頗勞苦今須德澤頌及曲恩應見禁囚徒據罪遞減一等准官典犯枉  
法賊及賊中持仗劫人故殺人等不在此限如有積年逋賦必加徵督不得者  
長吏條流聞奏準格律大大已上親及女婿外甥不許連任自用兵已來諸道  
即將及長吏權且差親表王持公事兵罷之後理當不然其三族內親並不  
得令主兵權及充要職如是元本軍先充職長者亦須具名聞奏自用兵  
已來科配百姓事取濟辦多出權宜今既罷兵諸道節度防禦刺史及鎮  
使等不得更依前妄有科配仍令各具本管侵害百姓事須釐革者作條  
件聞奏自党項擾亂已來所在多被攻劫白刃之下必有孝子順孫義夫  
節婦事跡有可稱者委所在長吏察訪優卹其家仍具名聞奏將加旌  
異於戲重夷華夏雖有於常刑撫馭乖方致與於薄伐傷夷暴靈朕甚  
愧是用覃恩以慰勞瘁布告中外咸使聞知

大中五年四月



告廟

破薛延陀告廟詔

朕勞形育物盡敬承天蠢動不安擲風而罔倦荒隅未靜救焚而靡息獨  
運方寸貫徹上玄凝想冕旒化行夷狄是知惟天為大合其德者弗違謂  
地蓋厚軀其仁者光被故能弥綸八極輿蓋兩儀大帝福謙斯其效矣彼凶  
奴者與開闢以俱生奄有龍庭共上帝而並列僭稱驕子分天衝於紫宸仰  
應旄頭抗大禮於皇極流殃構禍乃於初運凌障犯塞連年獸境射鵬馳騎  
亟飲渭州如豕騰氛頻驚落汭貽先皇之動色被黎庶之塗原社稷為虞  
軫情何以自朕御天下二紀于茲曩者聊命偏師遂擒頡利今茲始弘唐筭已  
滅延施雖則麾駕出征未踰郊甸前駟所輶總掩塞垣長策風行已振金  
微之表揚威電發遠驚沙場之外遂使鴈山之北無復單于龍燭之南大開  
封域其契苾車必俟斤及鐵勒諸部落迴紇胡祿俟利發等惣統百餘万户  
散北溟遠遣使人委身內屬請同編列並為郡縣引領翹足暴十月而佇油  
雲延首求哀沉九泉而請營魄朕當暫幸靈州親撫歸附弘茲肆赦加以  
施生頒惠天隅曜威雲朔收其瀚海入堤封解其辨髮並垂冠帶混元以

降殊未前聞無疆之業永貽來胤古人所不能致今既蚤之前王能屈今  
或滅之斯實書契未有古今之壯觀豈朕一人獨能宣力蓋由上靈儲祉錫  
以太康宗廟威靈成茲大定即宜備禮告于清廟仍以大慶頒示普天俾與  
黎元同茲有賴

正觀二年八月

平戎告廟勅

勅邊境為患莫甚於林胡朝廷是虞几煩於將帥車徒屢出芻粟載勞  
使燕趙黎氓略無寧歲而山戎種落常為匪人近有野心窮而歸我曾是  
懷附每所綏柔而不變梟聲輒為獸搏幽州節度副大使張守珪等乘  
間電發表裏奮討積年逋誅一朝剪滅則東北之侵便以廓清河朔之人  
差寬征戍皆上憑九廟之略下仗群帥之功今其凱旋敢不以獻宜擇吉日  
告九廟所司准式

開元九年





